

OBSER.
Verf. 23.
& 24.

A *Explora me Deus.* De eo quod se Propheta explorationi diuinæ subijcit ac sistit, vide suprâ Psalmi 17. versu 3. Nemo satis obseruârit, quanta sit fiducia conscientia puræ & illibatæ, vbi illa innocentiam suam calumnijs impiorum peti senserit. Exprimitur illa hisce verbis: *Explora me Deus, cognosce cor meum, examina & cognosce cogitationes meas, & vide.* Nulla est hîc hypocrisis, nullus verborum lusus, sed imperterrita, innocentis animi, & rectæ conscientia fiducia. Sic agendum est seriò in conspectu Domini, vbi innocentia causa agenda suscipitur. Aliàs vbi reprehendit nos cor nostrum, agnoscenda est culpa nostra, & animus coram Deo humiliandus, dicendumq; cum hoc ipso Propheta: *Ne intres in iudicium cum seruo tuo Domine, &c.*

Si via rebellionis in me est, duc me in viam Mundi. Obseruandum hîc est, quàm non solùm alienus fuerit à rebellionem Propheta, sed & quanti peccatum rebellionis fecerit. Erat Shaul impius, & dignus qui rebellaretur ab omnibus quandoquidem ipse cû suis aduersus Deû insurgerebat: & tamen pius animus vsque adeò illi rebellare nolebat, quatinus ad mortem ab eo quæreretur, vt confidenter in conspectu Domini dicat: *Si via rebellionis in me est Domine, duc me in viam Mundi:* hoc est, Tum non petâ vt inimicum meum, sed vt me tollas ex hac vita. Quod si dignus est, qui à Domino percutiatur, qui regi impio sine peculiari mandato Dei rebellat: quid de eo sentiendum est, qui principi pio ac iusto rebellis aduersatur: vt de illis taceam, qui aduersus Deum ipsum insurgunt?

PSALMVS CXL.

ARGVMENTVM PSALMI.

Habet hic Psalmus ardentem precationem Dauidis ad Deum, aduersus hostes ipsius: quorum linguis coram Saule deferebatur, & insidijs irremissis ad mortem quarebatur.

AD PRÆCINENDVM PSALMVS DAVIDIS.



ERIPE me Domine ab homine malo, à viro iniquo serua me.

VERS. I.

2. Qui cogitant mala in corde, quotidie concinnant praelia.

3. Exacuunt linguas suas sicuti serpens: venenum aspidis sub labijs eorum. Selah.

4. Custodi me Domine à manibus impij, à viro iniquo serua me, qui cogitant subuertere gressus meos.

B 5. Abscondunt superbi laqueum mihi, & funibus extendunt rete iuxta semitam, offendicula ponunt mihi. Selah.

6. Dixi Domino, Deus meus tu, auribus percipe Domine vocem precationum mearum.

7. Domine here mi, robur salutis mea, obtexisti caput meum in die praelij.

8. Ne des Domine, vt voti sui compos fiat impius, cogitationem eius ne perficias, elati sunt. Selah.

9. Caput circumuenientium me, molestia labiorum ipsorum operiat eos.

10. Decidant super eos carbones, prosternat eos in ignem, in foueas, vt non consistant.

11. Vir delator non dirigetur in terra, virum iniquum malum apprehendet ad subuertendum.

12. Cognoui quod expediet Dominus causam adflicti, iudicium pauperum.

13. Omnino iusti celebrabunt nomen tuum, habitabunt recti in conspectu tuo.

Domine here mi. Græc. & vulg. Lat. Domine Domine. verum non est eadem vox in Ebræo, sed sic legitur אלהים אלהים id est, Existens Domine: vel, Domine here mi. Hieron. Domine Deus. Iustin. Deus Domine. Chald. **LECTIO.** *Verf. 7.*

Obtexisti caput meum. Ebr. שבתה. Græc. & vulg. Lat. Obumbrasti. Hieron. Protexisti.

Ne des Domine, vt voti sui compos fiat impius. Ebr. sic: אל תתן יתרה מארי רשע: id est, Ne des Domine desideria impij. Sic reddidit Hier. Græc. & vulg. Lat. Ne tradas me Domine, à desiderio meo peccatori. Iustin. & Felix: Ne perficias Domine desideria impij. *Verf. 8.*

Cogitationem eius ne perficias, elati sunt. Ebr. sic: אל תמרו אל תפק ורמו סלה. Græc. & vulg. Lat. Cogitauerunt contra me, ne derelinquas me, ne forte exaltentur. Hieron. Scelera eius ne effundantur & eleuentur. Felix: Cogitationem eius ne consummes, exaltabuntur.

Caput circumuenientium me. Sic in Ebræo ראשם סבי. Græc. & vulg. Lat. Caput circuitus eorum. Hier. *Verf. 9.* Amaritudo conuiuarum meorum. Videtur מסבי duxisse à סבא, quod inebriari & conuiuari significat. Et ראש aliquando pro felle & amaritudine sumitur. Felix legit: Principem circumdantium me. Totum hunc versum aliqui sic legunt: Labor consiliorum ipsorum obruat caput eorum, qui me circumueniunt.

In foueas, vt non consistant. Ebr. במחפורות בל יסומרו. Græc. & vulg. Lat. In miserijs, & non subsistent. *Verf. 10.*

Vir delator. Ebr. איש לשון. Si nominaliter sumitur, est vir lingua: si verbaliter, vir delator, proditor. *Verf. 11.*

Reddunt alij, Virum linguosum: alij, Virum loquacem: alij, Virum verbosum. Cætera satis concordant.

Eripe me Domine ab homine malo. Summam precationis confestim primo versu expressit. Ea est, vt conferuetur à Domino, & eripiatur, ne incidat in manus inimicorum suorum, Saulis videlicet, & assentatorum eius. Sic dicit: Eripe me Domine ab homine malo, &c. Siue in singulari de Doeg, quasi pri- *Verf. 1,* **EXPLA.** **NATIO.**

TT mari